



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-2-40-159-2/25**

Datum: **12.05.2025. godine**

„Agencija za vodno područje rijeke Save“ Sarajevo rješavajući po zahtjevu pravnog lica „KLOSTERMEIER - MAJDAN“ d.o.o. Bosanska Krupa, za izdavanje vodne saglasnosti na projektnu dokumentaciju za aktivnost ispuštanja tehnoloških otpadnih voda iz poslovnog objekta betonare, na lokalitetu unutar eksploatacionog polja kamenoloma Ljubijankića brijeg u Bužimu, na lokalitetu naselja Varoška Rijeka Bužim, na osnovu člana 109. stav (1) tačke 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), **donosi**

RJEŠENJE **o vodnoj saglasnosti**

1. Daje se vodna saglasnost Investitoru „KLOSTERMEIER-MAJDAN“ d.o.o. Bosanska Krupa, na projektnu dokumentaciju za aktivnost ispuštanja tehnoloških otpadnih voda iz poslovnog objekta betonare, na lokalitetu kamenoloma Ljubijankića brijeg gdje je završena eksploatacija dolomita, u naselju Varoška Rijeka Bužim, a u skladu sa revidiranom projektnom dokumentacijom:
„Glavni projekt sakupljanja, tretmana i ispuštanja tehnoloških otpadnih voda sa lokaliteta za izgradnju betonare unutar površinskog kopa Ljubijankića brijeg u Varoškoj Rijeci“, urađen od strane „EUROING“ d.o.o. Bihać, pod brojem HIP 12-02/25 februar 2025. godine, revidiran od strane TQM d.o.o. Lukavac; broj: 10-64-1197/25 dana 20.02.2025. godine, a u postupku pribavljanja odobrenja za građenje.
2. Ova vodna saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr..
3. Vodna saglasnost se daje na osnovu utvrđenog činjeničnog stanja i pregleda investiciono-tehničke dokumentacije navedene u tački 1. ovog Rješenja, koja se ovjerena od strane ove Agencije vraća investitoru na trajno čuvanje i čini sastavni dio ovog rješenja, a ista će se koristiti u postupku pribavljanja odobrenja za gradnju.
4. Vlasnik odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret u skladu sa članom 20. stav (7) Zakona o vodama («Službene novine Federacije BiH» broj 70/06).
5. Vodna saglasnost se donosi na osnovu pregleda dostavljene projektne dokumentacije iz tačke 1. dispozitiva koja čini sastavni dio ovog Rješenja, prema sljedećim uslovima:
 - 5.1. Sve radove na izgradnji objekata za prikupljanje, tretman tehnoloških i onečišćenih oborinskih voda te ispuštanje prečišćenih voda u prirodni recipijent na predmetnom lokalitetu izvesti u skladu sa ovjerenom projektnom dokumentacijom iz tačke 1. ovog Rješenja.
 - 5.2. Izvođenje radova vršiti na način utvrđen u opisu tehničkog rješenja i tehničkih uslova izvođenja radova iz projektne dokumentacije a u skladu sa uslovima iz ove vodne saglasnosti.
 - 5.3. Usvojenim sistemom prečišćavanja otpadnih voda mora se obezbjediti da prečišćene otpadne vode, prije ispuštanja u recipijent – postojeći otvoreni kanal, zadovolje granične vrijednosti emisija otpadnih voda definisane u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 5.4. Na odvodnom cjevovodu, neposredno iza separatora ulja i masti, a prije konačnog ispusta treba izvesti posebno reviziono okno koja će služiti kao okno za uzimanje uzoraka (monitoring okno).
 - 5.5. Korisnik vodne saglasnosti je u obavezi da, u skladu sa zakonodavstvom iz oblasti građenja, angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.

- 5.6. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim (pogoršanje kvaliteta vode i dr) kao i postojeće korisnike voda.
- 5.7. U toku izvođenja radova, iskopani materijal i otpad se ne smiju ni privremeno odlagati na zemljišnu česticu «vodno dobro», odnosno unositi u vodotok i na njegove obale.
- 5.8. Tehnologiju izvođenja radova prilagoditi uslovima na terenu, uz odgovarajuća osiguranja ljudi i materijalnih dobara.
- 5.9. Predvidjeti da se sav nastali otpad prikuplja i zbrinjava izvan površina obuhvaćenim uticajem velikih voda, a u skladu sa važećim propisima o postupanju sa otpadom.
- 5.10. U sklopu uređenja gradilišta dati organizaciju izvođenja radova uz opis i instrukcije u slučaju pojave incidentnih situacija i način sanacije njihovih negativnih posljedica.
6. Korisnik vodne saglasnosti je obavezan ispoštovati sve uslove iz „urbanističke saglasnosti“ izdate investitoru „Klostermeier – majdan“ d.o.o. Bosanska Krupa, izdata pod brojem: 02/1-19-240/24, od 04.12.2024. godine, za izgradnju pogona za proizvodnju betona sa transformatorskom stanicom u naseljenom mjestu Varoška Rijeka Bužim.
7. Ukoliko se izvođenjem radova na izgradnji i postavljanju predmetne betonare ili drugim aktivnostima vezanim za predmetne radove prouzrokuju štete i nanesu štete trećim licima, podnositelj zahtjeva je obavezan uzroke nastanka štetnih promjena otkloniti, a nastale štete nadoknaditi.
8. U slučaju vanrednih situacija, havarijskih onečišćenja i drugih sličnih okolnosti koje bi ugrozile kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
9. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
10. Po završetku izvođenja radova na izgradnji predmetne betonare te obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. stav (3) i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22).
11. Ovom Rješenju o vodnoj saglasnosti prestaje valjanost istekom roka od **dvije godine** od dana pravosnažnosti iste, ukoliko u tom roku ne bude pribavljeno odobrenje za građenje.
12. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Investitor „Klostermeier – majdan“ d.o.o. Bosanska Krupa, obratio se ovoj Agenciji dana 18.04.2025. godine, za izdavanje vodne saglasnosti za ispuštanje tehnoloških otpadnih voda u prirodni recipijent u postupku rada betonare kapaciteta 9m³/h planirane na zemljištu označenom kao k.č. broj: 3410/2, 3410/3 i 3410/4 K.O. Varoška Rijeka (unutar eksploatacionog polja kamenoloma Ljubijankića brijeg), općina Bužim, a u postupku pribavljanja odobrenja za građenje.

Uz zahtjev za izdavanje vodne saglasnosti dostavljena je slijedeća dokumentacija:

- A) Opća dokumentacija:
1. Originalno rješenje aktuelnog izvoda iz sudskog registra, matični broj subjekta upisa: broj 1-974-00, izdatog dana 29.04.2019. godine od strane Općinskog suda u Bihaću;
 2. Kopija uplatnice upravne pristojbe;
 3. Ovjereni kopija Uvjerenja o registraciji / upisu u Jedinostveni registar obveznika indirektnih poreza, izdanog od strane Uprave za indirektno-neizravno oporezivanje Banjaluka, dana 12.11.2005. godine pod brojem 04/-1/I-17-1035-1289/05,
 4. Ovjereni kopija Uvjerenja o poreznoj registraciji, izdato od strane Federalnog ministarstva finansija – Porezne uprave – Kantonalnog ureda BIHAĆ, dana 15.12.2002. godine;
 5. Rješenje kojim se izdaje urbanistička saglasnost pravnom licu - Investitoru „KLOSTERMEIER-MAJDAN“ d.o.o. Bosanska Krupa, za izgradnju objekta pogona za proizvodnju betona sa transformatorskom stanicom u mjestu Varoška Rijeka, lokalitet PK kamenoloma Ljubijankića brijeg Bužim, izdato pod brojem 02/1-19-240/24 od 04.12.2024. godine, sa urbanističko-tehničkim uvjetima, od strane Općine Bužim, Općinskog načelnika,

6. Kopija Rješenja o izdatoj PVS od strane AVP Sava Sarajevo, broj UP-1/21-1-40-342-5/24 od 24.09.2024. godine,
 7. Izvod iz prostornog plana Općine Bužim sa Situacijom terena od 13.02.2024. godine broj 02/1-19-240-8/24, izdata od strane Općine Bužim, Općinskog načelnika.
- B) Projektna dokumentacija
- „Glavni projekt sakupljanja, tretmana i ispuštanja tehnoloških otpadnih voda sa lokaliteta za izgradnju betonare unutar površinskog kopa Ljubijankića brijeg u Varoškoj Rijeci“, urađen od strane „EUROING“ d.o.o. Bihać, pod brojem HIP 12-02/25 februara 2025. godine, revidiran od strane TQM d.o.o. Lukavac; broj: 10-64-1197/25 dana 20.02.2025. godine.
 - Izvještaj o izvršenoj kontroli tehničke dokumentacije, Glavnog projekta za pribavljanje vodne saglasnosti, urađen od strane „TQM“ doo Lukavac, pod brojem 10-64-1197/25 dana 20.02.2025. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Uvidom u dostavljeni glavni projekat utvrđeno je:

Da je projektna dokumentacija izrađena i revidirana od strane ovlaštenog projektanta. U dokaznom postupku utvrđeno je da je projektna dokumentacija urađena u skladu sa uslovima iz prethodne vodne saglasnosti, broj: UP-1/21-1-40-342-5/24 od 24.09.2024. godine, izdate od strane Agencije za vodno područje rijeke Save, Sarajevo, te je shodno članu 114. Zakona o vodama, izdato rješenje o vodnoj saglasnosti upisivanjem broja i stavljanjem otiska pečata ove Agencije na revidiranu projektnu dokumentaciju: „Glavni projekt sakupljanja, tretmana i ispuštanja otpadnih voda sa lokaliteta za izgradnju betonare unutar površinskog kopa Ljubijankića brijeg u Varoškoj Rijeci – Bužim“, urađen od strane „EUROING“ d.o.o. Bihać, pod brojem HIP 12-02/25 februara 2025. godine, revidiran od strane TQM d.o.o. Lukavac; broj: 10-64-1197/25 dana 20.02.2025. godine.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu rješenja, propisani uslovi koje je potrebno ispuniti tokom izvođenja radova, shodno odredbama člana 114. Zakona o vodama, te članom 7. Pravilnika o sadržaju, obliku, uslovima, načinu izdavanja i čuvanja vodnih akata. Podnosilac zahtjeva je na ime izdavanja ovog vodnog akta izvršio uplatu upravne takse u iznosu od 60,00 KM, u skladu sa članom 7. stav (1) tarifni broj 43. Zakona o federalnim upravnim taksama („Službene novine Federacije BiH“, broj 6/98, 9/08, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 (petnaest) dana od dana pravosnažnosti rješenja. Žalba se taksira se sa 15 KM takse, prema tarifnom broju 3. tarife federalnih upravnih taksi.

Obradivač akta:

Fuad Mujagić, dipl. inž.

Prilog: - Ovjerena dokumentacija navedena u tački B) obrazloženja rješenja (1x)

- Izvještaj o izvršenoj kontroli tehničke dokumentacije (1x)

Po ovlaštenju
Rukovodilac Sektora za izdavanje vodnih akata

Nihad Pezo, dipl.inž.građ.

Dostaviti:

- „KLOSTERMEIER - MAJDAN“ doo Unska bb, 77240 Bosanska Krupa (sa prilogom)
- ⊖ AVP Sava, ISV – Vodna knjiga
- Sektor 40, arhiva
- Oglasna ploča - AVP Sava